

銅梁山人詩集

銅梁山人詩集卷二十三

渝江王汝璧鎮之

具區集

辛酉立春

晞髮朝陽采色新  
金花高擁勝中人  
鶴籌添算纔周甲  
鳳律吹春又紀辛  
雪暖好看民氣樂  
風清難得吏人馴  
巡簷笑共梅花飲  
江樹湖煙一望勻

鏡聽詞

鼈鼈香火醉司命  
若有人兮據觚聽  
天河射角杓指東好語丁甯抱菱鏡  
銅街趨趨更鼓稀笑聲隱

約多華詞宜蠶同功大如甕宜禾合穎兼雙歧蕉  
苻無賊市無虎長官不虐民無咨吁嗟此語豈易  
得聽聞猶悅心然疑懷中明鏡明如月鏡在人心  
照人澈不辭蘭足踏冰霜但得佳音動顏色更有  
深閨人未眠下階拜月情纏綿一聲短簫何時還  
刀環在手鏡上天

祭耒詞

香煙裔裔雲滿空吹幽沃酒酬先農五音繁會始  
用暢朱絃彈出陶唐風夏小正始用暢舊注暢與  
鬯通愚謂暢樂名堯時琴  
曲有神人暢蓋祭耒作樂以和神人也垂頭似柳曲木柄酒旗遙指

農祥正高原龜兆土脈疏低田蟹塊陳根逆八鳩  
九度盡芸芊感戴神功仗神喜力耕定不負吾耒  
莫教碩鼠食我米

簇蠶詞

蠶初眠童桑嫩綠小於錢吳姬采采如花鮮蠶再  
眠紅旗插戶靜不喧黝駒儻忽皆蜿蜒三眠四眠  
肌骨堅晶光交瑩碧玉盤萬馬夜鬪風颺然蠶嬾  
珍重護蠶寶體恤寒溫度飢飽直當化作歐絲人  
年年相伴紅蠶老好風上甲傳桑陌今年蠶事多  
利益瓣香爲祝馬頭娘仙繭何殊濟園客

試燈前一日同作

江風吹雨過寒蕪  
霽後煙光暖漸舒  
舞鶴幾番迴日影  
游蜂無數上花鬚  
滿城歌舞管聲何急  
一室梅花致不孤  
要使民風歸儉約  
新詩且莫賦吳趨

元夕雷雨歌

首春乍暖東風顛  
溫磨花氣爭暄妍  
老睛暭暭月既望  
六街歌鼓何駢闊  
遊人香戢蠶蠎亂珠光  
翕葩此蜉穿可憐  
乞丐餓欲死嗷嗷  
闌闡聲澈天笙簫鼎沸  
耳根閉爆竹一宵糜  
萬錢流雲倏忽蔽斗口  
夢輪風色來迴旋  
怒雷劈山海水立電光  
淬雨

如奔泉火城間爾黑如漆畫蚓氣塞無咽咽勾婁  
吉利惡作劇偷兒縮項如羊眠此邦湫隘百貨聚  
雕楹文棟相鈎連去年屢遭畢方厄銷金燬玉頑  
不悛豐隆今夕德泰大使我安枕無憂煎農家婦  
子更快絕昨日尙恐龜坼田麥苗芃芃菜花綻陂  
塘新綠生文漣吁嗟乎農夫歌舞市蜃怨風雷利  
益寧爾偏

正月十九日大雪

火日氣燠熱燈夕雷雨加迨茲燒燈時雪霰紛如  
麻旬日三易候節令甯有差凍雀咽無語老樹凝

不花冰棱塞衢術玉柱交簷牙汗漫只尺間便欲  
埋金雅或云豐年祥蔬麥盈汙邪又言春水生估  
舶來麥奢市糴價益賤白粲如恆沙飯甕有好語  
塵飄無怨嗟新歲喜無事文酒相矜夸意與煙雲  
騰氣挾風雷掣三微始成著所著何紛葩藉以淪  
性靈亦用酬歲華春秋多佳日佳日方無涯

雨後藝蘭

猗蘭爲國香此地多於草不向幽谷生乃甘市門  
老根荄雜蕪穢葩葉苦折拗幾同蕭艾鋤頰首桃  
夭好首歲天氣清甘雨降仁昊麥菽得敷榮蘭亦

藉窈窕挹彼空山春置我虛室突玉沙爲培滋新  
泉細縈繞庭階亦揚揚石罅更皎皎銖衣霏古香  
瑤池別仙嫗萼綠來多時相對伫空窅騷人非吾  
徒貞靜乃相保當其溷煙埃安得此清矯乃知君  
子風立身貴及早

春陰

雲衣不動藹停空側側輕寒氣未融青苔搖江鴻  
雁北翠鈿倚樹伯勞東誰家箏急高樓外鎮日花  
明小院中好是春工多護惜惜惜無雨又無風

春分小集用昌黎寒食日出遊韻

峭寒凌空春欲病湖煙涸沵冰花盛幽齋獨有梅  
與蘭玉骨亭亭笑相映迎春已老辛夷繁竹柏青  
葱冷無競高懷待欲麾雲霞閒情聊復寄觴詠司  
分候至元鳥來嚮晨星早農祥正快看小卯耕始  
出轉恐上甲雨還更雷雨乍解勾芒申豐隆用壯  
雲師命條風連日江上吹新綠迢迢浮斗柄鮪魚  
先至舟子喧菖葉新生農父慶吾儕冷淡何所歡  
賦詩言志足恭敬鴻然好雨感人心霅爾春聲動  
寥寥何須社酒爲治聲且買玉壺得中聖所憂陂  
麥詩禮發堪笑官倉雀鼠併亟除毒蠶培嘉禾飛

鳥遊魚皆適性柔桑淨綠蠶初眠戴鴛峩冠氣何  
橫二三子者爭鋪張筆花怒生珠玉迸奮勇欲乘  
終生繡看花或借仙人鏡飛觥竟欲張吾軍我爲  
投醪肅軍政縱橫文史何汪洋時或鉤鉏亦道勁  
莫教桃候不始華如詩不應當罰令

花草

紛霏薇帳曉沈沈一望形霞破宿霧丈室卽今多  
供養高樓分外有清陰花神初度年方盛春雨連  
朝惠已深爲想看花天上客六街柳色正盈襟  
江北人以落花聲飛絮影題詠甚多漫寄二

律

落花聲

曳玉拖霞細籜吹韻從神會聽微知春痕碎碎飛  
煙重屐印弓弓點纈宜紅雨亂飄風定後彩雲初  
墮鳥驚時無情有恨何人覺欲委蒼苔故故遲

飛絮影

濶遠飛揚正起時鄰虛弄景日離離乍辭弱綫渾  
如夢欲惹遊絲總不知薄霧濛濛當晝暖碎雲點  
點過牆遲斷蓬本自無根蒂况復狂華幻更奇

題庭中碧桃花用昌黎芍藥歌韻

書誠二月桃不花春分此獨無英華忽然風雨發  
光怪紅玫瑰獻青陽家雲綃曉帳眠初起灼灼新  
粧見之子無言欲以拙勝人露并幾同代僵李握  
奇韜影豈其性絕代紅顏難與並博桑枝上天花  
開海云亂薰東皇鏡紅霞夜嚼甜如飴珍心莫遣  
封姨知三千年後來者誰笑以瓊瑤先報之

題東坡畫古木蒼藤

墨君已千秋枯樹得尺幅槃礴懷老仙元雲蔽玉  
局半臂支離疏左肘結筋蠹膚寸萬丈疆毫末百  
圍縮浩沕含天風蕭慘閟寒旭亘古不逢人其下

有飛躅冥冥猶母啼翫翫鶴雛宿覲鬟女蘿披菌  
蠹木芝簇餳蛟莽蚴螺卧虎默跼伏想見墨雅翻  
或有酒氣沃婆娑八百年生意猶堅竺景行仰高  
山摵衣拜喬木

盆中菖蒲著花用東坡取蓬萊閣石養石菖蒲韻

仙根來九疑互古色不改穆毫鳳羽影皴皴文石  
碎一泓默瀰瀰中夜吐精彩泠泠抽碧簪瑟瑟纍  
珠琲安期去何年飛景宛現在慧花開寶輪夢蝶  
渡瀛海幻相出神奇寄生同大塊或云壽者徵山

岳靜相對亦曰富貴緣絲絲結不解乞我青霞裾  
汗漫九陔待

送春曲

光風暖暖連天碧萬里空青玉壺色青春別我去  
何方胡蝶滿園收不得悠悠翠蘿輕雲度薇帳香  
濃綠陰駐不須揮霍魯陽戈但覺紆迴羲氏馭苦  
棟花開鶯亂哢春女鼓歌鶯不知我爲扣角溫風  
吹花臺旭日長熙熙

盆竹連發九筍

錦綉次第綻花蕊數寸泥含百尺姿斑管鏤成金

瑣碎嶰筒吹出碧參差湘簾影裏遙峯矗玉女盆  
中拄杖奇一夜雄雷驚劈地翠螭爭上九天時

山躡躅歌

躡躅復躡躅一瓣兼一鉢鉢中紫鳳顛倒飛餅裏  
乃是天台所采之靈藥老僧何處來以藥種花何  
怪哉斑斑甚血曉鶻哀鶴林幻出一丈紅玫瑰安  
石榴花然似火不如堆盆火齋千朵復萬朵春光  
欲去未去時萬斛買回春色可昌黎木強人不識  
化工意自多誕漫心乃曰少意思豈知閨風苑上  
絳雲高絕代仙人真富貴

鶴苑雜

蓄有三鶴老鶴獨馴謹不與二鶴伍二鶴爭  
唳嘿如也首夏八日產一卵梓得小鶴毛骨  
嶷然同人爲樂府以當鳳將雛

天濃地濃眾綠稠中有白鳥行修修賺花藉草間  
爬搜牽蘿爲屋薜荔嶠乃安斯寢無驚憂姪伏得  
卵如青甌老陰下索翼羽柔中孚子和鳴啾啾彩  
雲一朶當其頭胎仙玉骨非凡儕舊家遙遙聚窟  
洲天風海雨吹颺颺鳳鳥自舞鸞自謳老聃釋迦  
親抱投縞衣仙子來丹邱

映山紅結子  
標色如荷瓣  
或如小勺譜所不  
載人亦不經見者詩以傳之

誰知仙果自生遲  
但識花曾頃刻爲縹粉染成荷  
瓣小形雲高映斗杓  
垂天台自昔蟠根久  
閨苑新傳結子奇  
彌谷輝山豐稔兆  
簞瓢處處樂山雌

酬曾稼雲寄貺昆陵酒

午陰夢蝶正瞢騰  
繞屋扶疎綠影增  
忽覺清風送梅雨  
恰逢美醞到蘭陵  
交情似水輕漪澹  
氣味如春薄靄蒸  
不用鬱金爲解鬱  
玉壺相賞有良朋

題繡毬花得蘇字

紺葉綿苞碧玉膚瓊瓏四照海雲扶誰將柳苑千  
團絮幻作冰蕊百琲珠妙諦可能參綰結同心好  
與繪流蘇恒河沙界春無限萬六千觴興不孤栩  
栩暗煙留蝶夢紛紛涼影動星榆更煩天女爲薰  
染淡紫輕紅色相殊

盆荷分韻得納字

火山燒空日光熑熱雨霉風互歟欲披衣池檻希  
微涼蒿艾薰蒸豹亥嚼輕颶迺爾動中庭幾朵芙  
容倏開雪埋盆汲水癡復癡感謝花神快酬奮眼  
前便有江湖思南浦西洲園墮市曉來珠露輕游

溶夜靜紅雲自噓納葉間定有千歲龜花下甯無  
兩部蛤紅欄徒倚過人頭碧琯瓊英慶簪盍人生  
所遇皆萍蓬卽境光風成會合去年飛雨別明湖  
鏡裏華不浮翠鬚

素心蘭

仙妹靈瑩本天姿采采春痕淨綠垂幾朵香生人  
定後一枝開向月斜時光分曉露神逾靜澹入秋  
煙骨更奇不得素心人邂逅清揚蔓艸有誰知

六月望日月下小集用昌黎納涼聯句韻

冶遊笑吳趨縱飲戒河朔共此素月光遠彼紅塵

濁珠宮水鏡澄桂樹雲樓擢蟾輪忽騰霄蜃氣已  
消嶽白榆紛搖揚折津暗流澑定有蛇憐風何必  
賜銜雹溫風來以時蟋蟀居何慤

埤雅蟋蟀物幽微而志信

草散古香長松下仙樂鶻然念停雲喀爾夢駐鶯

前年登磁州鷺駐峯商風颯然

曾用昌黎謁衡嶽廟韻作詩 煙霞我所思湖海

遇空邈舉杯月方中仰視天一握三人影揚揚諸  
子致卓卓有客吹洞簫何人扣清角靜夜息流響  
閉關無剝啄大有清光來不覺涼露渥醑盡酒可  
酷饗卧人或捉於茲幕圓穹奚事蔽支桷警鶴鳴  
何高鏗鯨力誠犖觀空悟通犀守黑知藏璞九畹

滋蘭蓀百畝種稌穡纏綿蘭同功時術蟻抱穀抗懷屬雲霄高舉謝握齟莫辭璧運勞不用輪扁斲蜀山屯火雲玉帳耀冰槊虎旅振威稜

龍首欽先覺櫈槍盡銷亡旂常竚圖貌銘山筆誰工鏃吹歌當學柳色青待紆杏花紅欲撲羈鵠未解縲籠鸚猶在錠想像來春風褰衣看紅薺鴻文龍鼎扛大力鼉鼓剝鳳羽好修飭麟檀免譏詠吉金介有常貞石守逾砧高論何恢恢深杯聊數數笑予杜德機坐忘無捉搦此邦尙夸毗無計返淳朴絲竹悉棄捐文字偶拈搘靜看月輝輝漫聽雞

喔喔風過丹良流露下伏匱軟精芒粲參井雲氣  
動帷幄夜會詩再聯征蜀句可琢

五龍堂請雨作

方池凝湛闊潛蚪蠲潔雩壇祀事修灑雨流滋入  
功德水衡高照五諸侯神于宋紹興年間封侯雲輪梵唄音  
纔寂神氣風霆澤已周記得紫山沈鍊處元雲一

樣古潭秋

沈鍊牌于潭卽得雨與紫山聖井同

連得大雨用前韻

風雨連朝舞翠虬遮茆補屋及時修籌車萬暉歌  
田畯喜兆千畦等徹侯正直敢誇神應速和平早

見惠心周海堧更荷天龍力鞏固金隄互九秋

蝙蝠行

吾聞羽嘉生羽蟲傳以飛者兩其走蝠之生也形  
獨奇鼠而翼生其兩肘高居堂密棲美櫳亦傍茅  
簷拂荒莠有如霧隱作雌伏忽爾夜行眞獨有但  
羞白鳥如丹良不羨官倉竊紅朽得天者廉守復  
貞與世無爭物無取憶昔窮探三峽奇飛濤噴出  
蝦蟆口聳身一躍入龍窟四壁腥涎不勝手忽驚  
撲而跳且飛其鶻如鷹鼯如狗睡驅溼火欲吸人  
毛髮倒豎氣騰赴咋舌不數梯飈狂辨物差能豹

文剖

昔年遊蝦蟆碚循墓頤衝瀑入石洞有蝠飛出大知鵠一鼠驚竄長二尺許乃知鳥鼠同穴之義其鳥爲鵠亦蝠類耳

山居時復見白燕古廟年常竄蒼

鼯催生半夜聞啼嬰果老千年能永壽由來仙種

本天生豈有技窮落人後水鄉耆戢多麼蟲子子

滿天唼禽歐嗜膚咂血無已時撲緣牛馬憂童耆

仙鼯纖颯來虛空赤翅怒張風颺鼯吞盡焦螟靡

子遺使我赤子無疴疾叶飼君碧漢之玉沙酌君

柳旗之元酒可憐月落露筋祠裊裊靈旗冷相守

中秋對月

誰倚雲樓望光華滿人垠涼霄勝春夕孤抱似端

人相與舞清影於茲遠俗塵愛他修月斧終古捧  
冰輪

催桂

金粟雲中影不遐秋光瑟瑟意紛葩碧空昨夜月  
方滿黃裡連宵燈有花底事暗香藏曲嶺不隨高  
嶺放朝霞相看莫漫嗟遲暮晚節還同菊圃誇

懷繡以應試京兆

渥恩軫念在塗泥燒尾龍門一月稽

本年京師久雨上垂念

管子

之訛

士子在途阻滯特命修葺於九月鄉試便覺重陽如中秋令三卯蓋

爭看新月似丹梯一枝定有郗家樹

百尺真宜鴈塔題千佛名經新選勝龍山高會好招攜

秋雨

八表停雲屬宇寬江臯柳色未凋殘滿天風雨作  
重九一室琴樽銷薄寒定有夫容開木末可無叢  
菊繞闌干塵勞那得多閒暇卽事隨時得所歡  
無錫令送惠山泉口占却之

清冷一勺閟澄淵不染纖塵靜作緣寄語山中善  
知識惠泉元本是廉泉

金山寺僧送中冷泉酬以小詩

誰識靈源井絡來送江入海此襄裒中冷何似曹  
溪水轉語還勞下辯才

渡揚子江放蟹

拍浮江水笑杯池一手持螯始舍之昔夢沙明漁  
火外新歡潮退午鐘時寄言筋鰐行當慎深入波  
濤信不疑從此長依浮玉島天宮巨蟹照魁奇

阿子歌

吳俗養鴨兒小小文波濶蓼花艷如春蘆筍酣似  
藕輕揚水上鳧青頸獨雄赳不識鴨兒心但羨鴛  
央耦嘎鳴欲澈天飛鳥豈其友慎哉竹枝弓阿子

汝聞否

戰城南

戰城南月生珥櫬雲霍霍疾於鬼將軍裂背貔虎  
號雷碎赤火風騰鵠崩崖墜石愁猿猱仰攻不到  
山參騎南山之賊北山竄官軍攀緣纔及半筋疲  
骨出翻山砸枉矢四散如奔蛇山南人餓山北哭  
火光又著誰家屋

巫山高

巫山高哉高嶺天漢江餘孽巴川延懸橦度索飛  
層巔椒花碎碎印竹燃桓桓將帥猛如虎環山撲

賊如撲鼠奏軍楚軍來合圍千山萬山皆淨土  
聖人神武操元機招搖指處清坤維蜀國絃中短  
簫急巫陽飛雨吹歸旗

遠如期

遠如期天馬徯籥雲逐日何雄哉遠如期麒麟在  
圓鳳在棲魚刀鰄噦龍象龜重譯而至多珍奇遠  
如期仙之人兮紛然而來思婉姈仙姥將華芝文  
陳老胡獻壽杯遠如期天皇穆穆句陳居  
聖人貴德不貴遠八荒延跂長熙熙

有所思

有所思乃在大海中吐納日月驅蛟龍足踏青珊瑚手把金夫容昆仑之西不周北一息萬里周南東吾師方子春瀕洞無留蹤至今海山萬萬古歎欽嗚咽悲天風枯查獨坐誰禿翁銀濤萬頃天河通欲往從之無由從五精耿耿牽牛宮天乎高哉高不可窮翳我所思所思寧有終

君馬黃

君馬黃我馬騁各有報主心馬色何必同君馬可逐日我馬能追風權奇超忽相爲雄一心萬里成大功君馬驕且嘶嚼齧黃金勒我馬屹無聲獨抱

雙鳬臆吁嗟乎馬之不同如面然我聞驥不稱其力

東飛伯勞歌

北飛皂雕南飛鶴參旗在天河射角誰家騎士志  
氣豪高歌長嘯凌雲霄一卷周髀夜深讀赤文光  
照燈花綠舉頭皓月剛三五白榆歷歷靜可數壽  
昌應侯福德臨照我下土無灾祲

東方大辰西白虎亘古不能通一語誰家小兒門  
日光盤盂車蓋爭評量絕倒愚公與智叟太形王  
屋負而走雕龍炙轔人兩三堅白非自青於藍所

思之人隔雲海龍觚却有神仙在

江南弄三首

卽用梁昭明原韻

江南曲

江煙漠漠花魂歸斑魚吹浪蘆雀飛一片清砧催  
擣衣催擣衣今何夕珠露零可憐客

龍笛曲

洞庭林屋仙人居靈書寶藏神禹餘何人吹蓬曉  
星疎曉星疎情無極杜蘭香遠相憶

采蓮曲

茜裳曳風珮拖水玉顏綽約江妃似一隻鴛鴦忽

飛起忽飛起紅雲低一葉舟綠霧迷

題寶瓶研

古端硯製爲瓶形瓶口活眼如珠銘曰寶  
瓶

寶瓶在天文字孳始虛中有容守口不殆元砥生  
雲驅珠瑩水金堅玉貞比德君子

雉子班

雉子班登木以鳴鳴聲鶯鶯疾以清扇翬五采揚  
王庭角招合奏和且平雉之飛於朝日繡裳袴光  
獮獮雉之來風雨時野田雀或笑之田中穗何離

披艾而張羅雀安歸豈知雉子鳳爲友高岡碧樹  
方萋萋

牆上難爲趨

牆上不可踐乃欲牆上趨旣無輕舉術颺颺乘轆  
轆豈有超距材奮迅擊螯弧鼯鼠之飛不過屋而  
欲唐突搏桑鳥夸父何雄休棄杖荒有無披髮之  
叟狂而愚一壺難保千金軀酌君酒君莫趨牆上  
蒿難攀扶一朝失足墳泥塗高明之家鬼歎呼胡

乎牆上趨

五更五首

一更塵牘堆如山爬疏榛莽燈嬾爛安得吏良俗  
亦美使我赤子皆歡顏

二更低頭如古蠹釣河摘洛緣竹素安能恣食琳  
宮書使我兩掖生霞裾

三更兀坐如孤猿劍光如水神精堅走雲連風飛  
冷煙安得置我巫峯巔

四更裏被如紅蠶紅霞一縷愁絲含要使單寒齊  
擁絮歐絲仙人在何處

五更不寐如天雞海日欲上星低迷紛紜營魄皆  
提撕柳梢先有海鴻號

歲暮卽事

樓閣濛濛宿霧遮人煙  
雅雖共歡謹頑雲作暖纏  
霏雪老樹衝寒已著花臘鼓聲中  
春欲透神絃曲裡思無涯  
江鄉歲美村春急流水年光景物賒

銅梁山人詩集卷二十四

渝江王汝璧鎮之

皖山集

初三日雨

入春三日雨如絲謾惜年光故故遲喜溢江圻民氣樂潤含麥隴醴泉滋六街已靜驅儺鼓初歲新添祭未詩但使屢豐歌愷澤底須繁會競春嬉

立春夜哭謝氏女

今夕知何夕傷心謝絮飛空雲紛涕淚斷夢集悲啼絲勝人何在灰堆願竟違好憑青鳥使報與子

胥歸

送汝春明嫁當年慘莫倫母兄皆死別姊妹劇酸  
辛歸省三回聚含悲十一春今朝齋恨去淒絕白  
頭人

人日書懷

漸覺春光爛漫來旛花人勝暗低徊每逢佳節傷  
心數況入新年弱息摧骨肉安能渾作達風雲到  
眼總生哀飛霽連日空延伫爲惜人間咏絮才

正月十六日韓東生余蓉裳過飲以齒序其  
一百九十五歲賦此索和

時子將之  
安撫任

三人一百九十五我年最少花甲逾搏沙放手四十載不覺霜鬢風疎疎今夕團圝共明月松陰竹影梅花扶三人與月作四友轉笑太白杯何孤韓翁經訓爲菑畬絳帳弟子繁有徒名山事業足千古功名付與城南符余公偃臥東山闊呼吸海日飄霞裾蒼生久待作霖雨雪牕塊獨鑽蟲魚走也

一載歌吳趨新

恩秉節馳皖廬要使江國皆安愉臣心似水猶區區吾儕志氣如合符苔岑異致理不殊況復老健能馳驅惜陰運甓甯忘劬

附和作

仁和余集

正月十六日鎮之齊年招飲同會者韓旭亭時鎮之已拜皖江中丞之

命行有日矣卽依元韻并以誌別

三人一百九十五用元韻我年非伯季已逾

首句

金闈乍合旅鴻迹相見卻疑今雨疎

余與君往還輒

相作今官齋會招文字飲肩輿甯假巴邱扶

日始晤元夕已過燈未罷肯負明月青天孤使君吏

治原經畚餘事逃作高陽徒雄談不讓炙轂

輶雅著卻陋諭癡符涼蟾低掛屋西隅酒氣

拂拂侵人裾忽憶春明舊儔侶升沉奚啻焉

與魚

出示九客圖皆京師同朝舊雨今存者鄭秋圃及君耳

昔年我亦

同朝趨銜恤歸返無田廬蹠蹠自鑑色不渝

伯通廡下眞區區義公新握中丞符

皇恩自與常人殊及未衰老供馳驅行矣當惜凡

民劬

元和韓是升

鎮之六兄自蘇藩擢任皖撫上元後一日置  
酒留別閱半載自皖貽詩索和依韻酬之

開尊話別半載逾瞬自秋雨秋風疎晏眠飽食  
幸強健筋力不籍參苓扶竭來疁城作都講子  
身頗類孤雲孤士習弦誦農畊畚寬衣博帶皆  
吾徒夜深邨犬靜弗吠盜賦屏跡清葍荷飲公

之和食公德棠陰留蔭江東隅遙瞻畫戟千里

隔皖公山翠沾衣裾委蛇退食念故舊尺一書  
附雙文魚當時三人共鎧晏別後蹤跡途分趨

余公懶值承明廬

秋室學士

吟箋畫卷心怡愉金家

寄食蟹稻區公詩風格蘇白符玉潤不與冰清

殊謂錢文端公文露垂泉湧風雲驅想見得意忘飢劬

過龍潭口號

重岡合沓水環村畫裏梅花鐵榦存七十年前吟

眺處一鈎新月照黃昏

雍正壬子先中丞公官江安糧道有龍潭觀梅圖

自識云非爲遊觀也聊以紀勝云耳

十郡棠陰有舊程新

恩建節此經行江南江北山千疊一路春雲到曉  
城

太平曉發

江城吹角曙光微殷殷濤聲動古磯捉月誰能如  
太白驚人恨不見元暉無邊雲樹千秋思一片江

山獨鶴飛憑眺興懷幾一悵仙人霞珮莫相違

青陽山中夜行

九老雲中不可尋青蓮朵朵染行襟參天樹影疎  
星動市地溪聲萬壑陰山氣孱顏凝石骨梵音柔  
輾出松林直疑身在靈仙窟半點飛塵未許侵

題王百穀書種梅詩卷卽用其韻

詩有枝間  
菩薩蠻  
紅

豆之  
句

偶拈紅豆比江梅鐵石心腸妙手裁城裏歇家王  
百穀何須健步遠移來

皖撫署後有抱甕園富察託師健尙書所題

子略爲掃葺顏亭曰負缶曰運甓各系以詩用廣尙書之意云

負缶亭

老圃嘉名錫前賢舊躅垂我來聊灌甕相與共忘機蔬菜連畦足壺觴小集宜使民無此色百事好施爲

運甓亭

但得勤操作何須廢桔槔分陰真可惜用力肯辭勞勝蹟江天壯雄風鼓角高小人誇學圃意氣亦

清豪

雨後龍山曉行

雲氣蜿蜒敝翠屏，舉頭端正見龍星。  
秧針出水茸茸綠，山影涵波漠漠青。  
戴鶯多情頻趣數，鳴鳩何事重丁甯。  
長官那得如春雨，到處農歌正好聽。

次韻題福蘭泉方伯春江夜渡圖

鞭絲千嶂影烟際，一帆輕舊雨。懽相遇深宵，眼倍明。  
燕雲分昔夢，玉塞各蜚聲。  
昔與蘭泉同官直隸  
蘭泉擢鎮迪觀察別  
來十六年矣  
今日重簪盍，多勞桂楫迎。

迎江寺教場閱武黃壘繡以作詩次韻和二

首

壘壁師門壯風雲土將諳由來猛貔虎都是好兒  
男陣列旆旌九江明擔鼓三河鼓三星在天江旁千軍齊仰  
首一曜炳弧南

千疊山如馬何人據馬鞍

城西北有馬鞍山

鋒烟銷楚澤

士氣激江湍忽聽鏃歌動飛來火騎看徵兵蚤歸

伍小隊此登壇

奉調赴楚官兵首春先已撤回

再過小龍山口占

秧田漠漠碧連空一片嵐光倒景同盡日小龍山  
下路行人都在綠雲中

披裘五月江烟白飛雨連旬石氣青不信山人渾

聽濫老鴟碧火已潛形

晤汪稼門中丞云山中常有火患近已貼然

### 伐蛟行

皖山多蛟患雍正年間署總督魏公廷珍  
曾刻伐蛟說通行茲重刊頒示各屬予爲

詩紀之

是何神罿非土堦天龍遺卵胎鴻厖異員黃宮積  
歲紀庚泥含噏滋賸肛厥土赤墳氣縹黑衝星貫  
月凌天江產蛟地色赤氣朝黃暮黑星夜冲霄素娥散花不著地勾  
芒瑟縮無荄椿鴻鵠驚飛睨欲墮離哉翻起時雙  
雙幾番雷雨忽墮蠶夜深往往吟蟬颯又如醉者

語噭噭謹呶狃洽聲瞞瞞

其地冬不積雪草木不生飛鳥不敢集欲出時

在遠聽之或如蟬在手鳴或如醉人語是時上地尺有咫  
界山忽爾

騰空谽吁嗟富媼自毓害平地歟欲翻濤瀧厯崖

走石莽滅沒田廬蕩潏連床杠由來弭患貴早辯

元黃氣色明陰靄制之在氣機在目多其金鼓懸

鐙幢

蛟異金鼓火光鳩夫集械趣杷扣其施七尺非耕穫

及泉霍忽動光怪肥白如瓠圍如瓦一嚮輶美老

饗笑奚翅朋酒分羊羶皖山嶺岳水沈壠老蛟聚

族非一邦年年伏雨肆毒虐高浪白勃如飛雙昔

賢捍禦有良法垂之令典傳非嗚亟詔山農理銑

金華一言  
睫慎斯術也心無雙嗟我赤子本忠信豚魚可孚  
百怪降莫教墨吏猛如虎豈獨蛟水憂洪洚善哉  
人害一時去荆溪父老非愚癡

納涼得句

蝶夢初回碧景長苔痕樹色共青蒼烟凝竹粉愔  
愔靜露浣荷裳細細香誰道神仙隔塵土偶然延  
竚足清涼人聞那得無炎溽畢雨箕風待主張

禱雨口號

天上雲如蓋人間雨似珠如何頻悵惜未肯快霑  
濡銜雹兒童信焚庭記載誣

天心憐赤子神惠有同符

眾志孚能應風霆氣已齊彩虯江浪湧烏鵲漢雲  
低并作洗車雨欣看沒膝泥良田樂膏澤晚稻正

盈畦

次日  
七夕

同心並蒂蘭

八萬雙芯  
結撰甚奇

輕烟剪剪露盈盈邂逅清揚二美并幻相疊華誰  
綰結仙娥名字本雙成五輪指布拈丹蕊三素雲  
披燦玉英絕代佳人天與合孤山應笑太孤清

渡江宿黃溢

千疊愁心浪不停中流飛渡愧槎星江風一夜頭

吹白山雨連朝眼換青莫遣飛鴻號四澤欣看雨

栗滿江庭

時奏請  
賈郎

皇仁浩浩如天廣波湧歡聲動遠坰

池州山行

晚蟬叫徹綠楊津馬首青山翠欲顰礲確旱田龜  
坼兆啁啾窮子雀依人齊歌

帝澤如

天澤是處飢民總順民合掌九華甘露速秋耕好

看麥苗新

銅陵東湖用東坡臘日遊孤山韻

君不見西子湖遠山眉影來有無文人自古好裝  
抹此湖何獨無稱呼東家肯作西家擎泓崢瑩碧  
聊自娛漁標小艇斷橋出蘆州蕩波迴紆蒼茫  
古柏誰之廬眼中便是孤山孤伊人何在在秋水  
冷然露下青青蒲水鄉偏稔歎丁夫山農榜腹愁  
朝晡多方籌備救荒策那暇描寫湖山圖湖田富  
翁袁有餘古風醕美追羲鄊時富戶出粟減糶亦有自行煮賑者任  
卹井里無亡逋旌良綽楔憑鐫摹

題青陽柏壽軒

空亭古柏鬱輪囷詎識勞勞樹下人莫作怒咷吹

眾竅好將仁壽保斯民  
蚪松偃蓋相看說翠竹青  
葱共得真漫笑浮屠偶三宿  
田間疾苦要周巡

雨中山行

江雲全羃樹雨勢欲沈山瑟縮  
馬如蝟禡襯客似鷗荷蓑來野老  
執手共歡顏莫歎桑榆晚  
齋花滿目斑

山田多種芋魁喜而成詠

芋區欣接畛儉歲得含哺質以厚能耐根緣沃更  
腴眼明疑鏡檻露滴似荷珠不識岷山下蹲鴟近  
有無

銅陵山中夜行

山中問路不可算百里真成九十半石頭路滑夜  
正長我馬徘徊僕夫歎爲語我僕爾何憂日日旅  
亭飽喫飯可憐餓人泣道旁一步九折饑腸斷我  
爲長官悲且慚恨不躬親與炊爨

皇仁發粟如水流振貸源源

渥恩渙小臣宣慰周田間敢憚微勞憊昏旦

過青溪作青溪小姑曲

溪烟漠漠風烏烏溪山終古啼楸梧翠微菴藹姑  
之居歛欽杳冥郎有無小姑無語青山老白石清

泉永相保吁嗟有郎莫若無郎好孤鸞淚血空江

曉

時聞黃壻以  
歿於采石舟次

宿灣沚

十日山中行石氣襲毛髓但使農情安便覺山靈  
喜凌晨別宣州山光隨馬尾往復相遮留行客未  
遑已出山愛平疇耕牛如磨蟻蕎豆花茸茸溪水  
光瀰瀰晚種得重穆滯穗歡婦子獨予心憧憧樂  
此更憂彼夜來山雨滋麴麥良可恃淚路歌

皇仁鳥鵠聲亦美西風振喬林日落冷烟紫新月  
來相迎宛在水中沚

定遠塗中卽事用杜樊川九日韻

忽見哀鴻澤畔飛銜蘆活計亦些微  
好將黍谷回生九快遣陽春有腳歸古柳低迷遮過客亂山黯淡駐斜暉告言聞賑還家早爲爾踟蹰淚滿衣

池河道中

旱歲秋多暑災田晚更仍如何寒露降猶見火雲升山徑羊腸轉飢人雁陣增太倉頒賑速浹路共懼騰

過臨淮關

雄關形勝控南州桐柏高源日夜流過雨原田宜

宿麥渡淮天氣覺深秋新霜遣雁來中澤濁浪鳴

鼈達下游拯溺快看施濟速戒寒還爲授衣謀時

汎漫溢下注宿靈一帶

被淹亟發倉穀撫卹

過靈璧

史漢皆作靈璧謝康樂賦眺靈璧之曾峯亦作壁後訛作壁

海嶽誇奇石於茲未足多目成皆磊砢意匠與磋  
磨浮磬山川古曾峯壘壁訛千秋垓下淚荒塚尚

嵬峩

虞道旁有姬塚

鳳山勘水遂至泗州用昌黎汴泗交流韻

磬聲愔愔山一角磬材滿地非剗削鳳凰垂翼何  
逶迤水官恍惚寧靈旗河伯分流入洪澤沃我赤

子夫何爲灘淮洨滄勢莫定原田萬頃波光映澤  
鴻轍鮒傷流離牽衣頓足誰能羈嗟子火急往澄  
溺奔星豹約東南馳紛紛裏粟少休暇共得含餉  
樂

仁化淮南木落風聲龜湯湯泗水如歡呼

大廷早下救荒詔

盛時安有流民圖惟良有司所難得莫使農民怨

蟲賊

五河道中

西風吹馬影落葉正飛浮湖氣五河合烟光泗水

秋飢黎紛似蟻曹吏走如牛快放官倉粟桑榆尙可收

過濠梁驛

一月濠梁兩度過山翦麥麴近如何漫汙秋水魚雲潤點黝湖天雁字多遙望翠微烟乍歛喜聞蘆管韻初和一犁雨足田歌起牛背斜陽下遠坡

宿練潭

行來松櫟晚森沉古驛三間駐夕陰解道山光出孤月定知潭影印澄心王文成詩春山出孤月寒潭淨于練客來三宿仍桑下雲起崇朝望石岑宿麥野田青欲遍何

人吹琯有佳音

梅心驛

烏鵲荒村報好音  
雪花如玉麥如金山光凝碧冰  
霜色梅蕊衝寒天地心  
百里風聲長浩浩四圍雲  
勢遠沉沉隨車喜遇知時雨  
敢道舒人愛我深

過廬州

言過文翁里來尋大蜀山青城思超越石室路閒  
關鄉夢崛峽上槎星牛斗間耆闈不可到相對一

開顏

浮槎山者閑飛來之一峯

定遠道中歌

銅梁山人詩

皖山集卷二十一

主

君不見逍遙臺上相栩之夢影又不見鍾離樓畔  
踏踏之歌聲空山岩曉路詰曲紛紛磨蟻盤旋行  
二子听然笑過客何營營何不學盧敖若士遊太  
清而乃朝脂暮秣勞神形對日是不然功力各有  
程箕風與畢雨上界施神靈乃是下土之民星愆  
陽爲沴失所好坐使比屋枵腹如空罿

行  
皇天雨粟溥振卹我騎驄馬到處有似天飄傾十

恩詔降蓬草江坼海寓家生成千林霜淞白於玉  
梅花開遍徐王城劍光變化助牛力一夕飛雨皆

深耕雙魚斗酒祝飯甕多黍多稌多稻稅稽首兩  
老仙默鑒予精誠更煩乞我老彭雲母之靈藥雲母  
山彭祖采藥處和以長淮洪澤之清冷使我萬億赤子皆

長生

臨淮道中

五郡災區此上游江湖蕩蕩

渥恩周濛染澹遠知魚樂山勢陂陼似水流沃土  
新耕堪慰望長淮歸壑早紓憂可憐三度循行後  
對食纔能免中鈎

宿州書懷

匆匆積昏旦浩浩過秋冬山川變景色僕馬增塵容淮南送鳴雁淮北多悲風豈不念行役于以安飢農麥苗已萌草碎綠光茸茸傾耳聞歡言有象占穫豐寄語巫支祈秋水休爭雄努力障百川循軌皆之東俾我灘泗民歲歲無驚洚

再過靈璧

冷然清磬好風吹過客重來路不歧山觀雲霞夢胡蝶灌山有南華觀市門朱碧醉鍾馗荒烟垓下無燐火古柏塗間有墓祠最是淮淝流不盡遙遙千載日

東馳

次泗州

碧山往復導行旌流潦縱橫路已平百里荒雲徐  
子國半湖野水夏王城虹縣古夏邱今沉於洪澤斜陽古驛官  
程急老柳寒雅吉語迎爲喜旱田成沃壤於今高  
土得深耕

夜渡澮河

冷烟迷遠望沃野接平潭大澤風聲壯洪湖水氣  
寬馬蹄霜越越波影月團團問渡人聲寂荒雞叫

夜闌

池河山行至滁州

攀礪山行驛路偏遙峯馬首勢迴旋乍辭雲母山  
頭月來酌醉翁亭畔泉裙屐卽今留勝賞山川從  
古集名賢全椒道士猶存否九十韋郎早得仙

宿大鎗嶺

泉鳴幽澗樹號風馬影雞聲夜未中匝地寒雲飛  
霰白瓦山野燒接天紅已欣此地成偏稔更兆來  
年得屢豐白酒三杯堪一醉高吟久手對山翁

和州渡江

遙山往復送征輪一葦凌波靜不喧萬里奔騰來  
井絡兩崖最凜束天門當時人物風流盡如此江

山勝概存莫笑英雄無好手祇今古壘有荒屯

宿太平

青山漫搔首恨不見元暉烟冷燃犀渚雲埋米石  
磯鳴鼈江夜靜吹雪浪花飛詰旦南行路羣峯玉  
作圍

入宣城境

旱田冬日尙炎曦路入江南暖更奇山水盤紆行  
華礎土風巧利語侏儸爲思春草江淹賦何處青  
山謝眺詩好向浮邱乞靈藥待醫澆俗盡恬熙  
聞宿州寇警督兵馳捕馬上口占

颯爽風雷聽指揮先聲迅已度淮淝威弧遙射櫬  
槍落甘雨欣隨旆纛飛麥隴鋪青絳望眼山光凝  
綠上征衣鳥情悅處風聲靜早識苻離已解圍

練潭小憩同盧湘槎董奕山作

斃解征鞍拂袖塵買春茅屋氣如春羽書淮驛無  
烽火夜雨桐山有主賓此去定除苞蘖盡來歸好  
看麥苗新栽培篤荷

天慈普更沛春膏錫庶民

被災州縣蒙恩賞給一月口糧

桐城山館度歲

愔愔古驛燈火微牆根剩雪因風飛山蔬白酒且

復醉破窗冷案狸奴肥年光忽似流水骨肉凋  
落親知稀江南江北日馳逐拊循疾苦療聊飢自  
秋徂冬席不暖吾民甫得安柴扉探丸忽報殺州  
將官軍迅破苻離圍櫬槍掃盡瑞冤下屠蘇柏子  
香霏霏山翁額手祝如願願佩牛犧閑鞍轔紅旗  
火馬捷書快棧雲遙聽簫鎗歸

輓全惕莊權使

蘭州一載共灤洞雅度眞如千頃陂兄事好論十  
年長心期早許一言知尊前絲竹成泡影袖裏詩  
篇惹夢思最是錦袍持贈處朝霞璀璨耀牙旗

江城雪望用昌黎辛卯年雪韻

載塗積冰雪纔與新春歸甘澤已下尺溼雲猶四  
圍連日風色緊密霰縱橫飛危亭得遐矚空烟飄  
靈旛湏洞冷瑩骨璀璨花滿衣高標壓龍山飛景  
追江妃歲陰值元冥水精鼓化機忽見江梅開未  
覺春寒非但恐春水生漫溢復動幾先事修隄防  
弭患當於微

雷雨風雪寒甚

拍拍格格雄雷鳴颺颺剷剷風雨驚雪花纏颯交  
縱橫出奇鬥勝相榮擾頽雲陰陰似張幙江山一

氣寒崢嶸相逢手瘃舌爲擣狐貂瑟縮冰琤琤雀入瓦藏鼠墉窒噤痒不暇牙角爭老鴉撻攫獨縱恣風馳雲合何搶攘如何春半氣逾肅玉壺世界凝光晶或云久旱地龜坼溝堰積水宜春耕又云

啟蟄以時震氣無疫沴民安平我非鉢冠昧測候但祝萃下無旁行風雷利益雨滿盈熙熙庶彙皆

桐生

喜晴

芻尼歡噪最高枝不覺東風入硯池香篆頻教添甲煎庭花先已綻辛夷旣晴始覺連陰好閏歲偏

宜旭日遲靜撫流光觀物象春臺景色正熙熙

銅梁山人詩集卷二十五

渝江王汝璧鎮之

皖山集

閏春二日抱甕園梅盛開同人各攜白酒野  
蔬小集賦詩爲壽

忘機老翁負鋤睡午烟冥冥眾香氣春風胡蝶來  
何遲僂指新交閏月二小橋罨畫如西溪水邊竹  
外多高致有客有客攜壺尊盥手花前數舉觶一  
杯配食藐姑仙榮堇采蘂小物備花如含笑若爲  
容我方止酒不能醉諸君奚爲共茹荼蕷葡萄香林

有真味轉憐舊歲中澤鴻枯荄掘盡蘆根碎花神  
助我好年光椒餚芬芳報神惠

閨花朝園亭小集

壺觴近局重招邀舊雨林亭景倍饒最繫人思是  
芳樹好留春住又花朝遽遽昔夢紅霞曉緩緩新  
歌紫陌遙試看杏花疎影外玉梅宛在翠禽嬌

復雨

寒食烟猶凝江城氣未和戈矛隨雪釋風雨入春  
多豐歲此爲兆休徵定不訛山靈憑默禱蛟窟莫

興波

奉

命內補閣學留別腕城

喜拜新銜使節移腕公春色照鬚眉往還定有江山助夙夜常殷風雨思

異數特教趨直早壯懷未覺報

恩遲輭紅二十年前夢又是藤花始放時

宿北峽關

馬首山光含霞裾客珮聯風雲投北峽星斗耿南天石勁松濤涌庭虛月影偏雞聲殊不惡古驛且安眠

出安徽境

一載依依皖水清江雲往復滯人行浮屠桑下原無戀野老棠陰自有情舊雨江淮渾遠別遙山齊魯又相迎快看觸石崇朝遍登岱沿沂喜氣生

雨宿鄰城

馬陵道上雨如塵柳色勾留古驛春此日來過渾舊識當年相送愛斯人催耕到處農方亟佩犧於今俗漸醜最是殷勤雙燕子短簷絮語話前因

渡沂水

浮雲柳絮正飛揚跋馬河壩意慨慷棗葉嫩於新

染綠沙痕潔似舊凝霜岱巖靈雨澤何遠沂水春  
風興自長過客不須頻問渡褰裳深淺自籌量

蒙陰雨中山行

涼雨纔溼衣石氣欲蒙樹雲幙垂素空麥浪搖綠  
霧羣山故低昂客意自軒翥遠懷鬱以紆煙霞莽  
回互吳觀何嵒嵒匹練記前度三載復東來舊雨  
如寐寤人生一飛鴻水雲隨所遇不見西住佛亦  
復東家住浮邱不可尋山色靜如悟皆途中地名悠悠  
山下人驅車自來去

瀛鄭道中

白日紅埃四月初天衢路近暖風徐四千里外星  
輶返十五年前畏壘居間訊故人多已往關心赤  
子近何如淀河古柳依依綠十二橋邊好駐車

岳小瀛中丞以疾還朝口占以贈

日下重攜手相看倍灑然迴飄君到速見蠻我來  
先嶽麓常懷雨淮堧久靖煙偶然留指爪踏雪又  
何年

奉

命考試教習闡中口占用前韻

玉尺新承

詔衡才意肅然壯心憐驥伏老眼喜鞭先院靜虛  
移月樓高早散煙看花尋舊夢流水笑華年

喜雨疊前韻

雲峯渾作雨入耳盡鴟然尺下生甯後心中種已  
先崇朝彌海宇遠勢接江煙祇莫夸秋水湍流憶  
舊年

題江雲谿詞稿

修文張樂去無涯廿四橋空冷月華可是幾生修  
得到小紅啼盡馬塍花

霜月

金玉堂詩  
啟戶邀霜月凌寒致倍豪雲鴻南去速烏鵲喜聲  
高邃宇清無滓疎星靜不勞去年睢水上躍馬聽  
雞號

喜金壘秀岐至感懷

退直焚香靜作緣客來衣上五湖烟天邊瑞雪隨  
人到座上春風得氣先無事未妨仍小飲閒吟還  
與續新編可憐骨肉渾凋落夢冷宣南二十年

政事堂望雪用前韻

金猊香散足延緣沙界空濛九點烟浩浩人聲高  
閣曉穰穰玉霰滿簷先聚星句好誰堪和紀瑞書

成手自編宿麥根深螭孽盡六花飛舞入新年

奉

命兼攝少宰紀

恩感賦

簪筆

綸扉巽命申瑤林月色記前塵半生辯益歸來早  
當日焚修自有因藻鏡名慚蓉鏡舊水衡光接玉  
衡新先權水部  
繼拜此命紛紛鶴鷺渾非昔只有藤花是故

人

奉

命補授工部侍郎仍撫皖省兼提督臘八日出都

口占

斗間光采出天杠  
鉞北弧南拜命雙特進  
螭均纔九月又持虎節返  
三江仙人昔夢依香案  
臘日遄行禮佛幢

帝眷欽承民望切臣心俯仰更多懼

過鄭州

十二橋邊憶舊遊  
人來人去似沙鷗  
魚雲不斷天

方遠琴韻無聲水自流

廿載前與阿雨牕冰上聽琴過此今春予由皖撫內

召還朝雨牕代焉今雨牕調任

楚南予蒙恩命仍回皖撫任雪屋空濛延客夢

冰花璀璨上征裘玉壺句好春常在月白霜明過

鄭州

曉過曲柳店偶題

七星曲頭垂似柳下有一星名曰酒如何此地名  
同之瘦柳一行飄酒旗雪花濛湧天地白空中杳  
杳聞天雞客來真似旋磨蟻榆街厯厯馳輪蹄厯  
下湖中杜與李玉壺招手同遊嬉岱雲觸石挾我  
走掉頭不暇揮金卮符離夏旱秋復潦元氣未復  
猶瘡痍青髮快帶玉囊去斗南赤子方耕犁

入安徽境用前留別詩韻

金瓶梅  
鴻泥蹤跡未遷移父老歡迎喜動眉當日棠陰歌  
憩止今朝雪旆詠來思銜

恩不覺王程速戀

闕猶嫌曉夢遲試看江鄉春色早到來好雨正知時

初春同人抱甕園小集得七律一首索和

東風又別轉紅塵聯袂江雲是夙因蓮幕才名仙  
侶舊茶根香味雨膏新託尙書題額  
日茶根香玉梅含笑如迎客翠羽多情近向人久已忘機同抱甕更須珍

重玉壺春

出北峽關巡閱各營

前年小隊出高關 一月符離振旋還  
此日風雷開壘壁 好看旗鼓壯江山  
芒寒參伐威弧直采麗 台符上將間

銳吹早歸妖柝盡征袍

猶帶楚雲斑

調赴

楚蜀征兵次第歸伍

途中喜雨

江國易爲雨 江風恆曳烟亂泉銷積雪  
野水漲平田客路 車隨澤農心笠寫天相逢傾蓋語共喜兆

豐年

上巳日小憩插花廟

澹靄遙旌景色佳暫停枹鼓問桑麻小亭有客來  
修禊古廟何人爲插花啞啞乳鶴鳴有喜青青陵  
麥語無譁軺車連日經行徧何處安豐處士家

蒙城莊子廟用前韻

夢蝶遊鯤正復佳逍遙人世混蓬麻近承苦李東  
來氣老子生於亳州先得瞿曇指上花桑梓雲山仙有影  
篷簾香火雀無譁一篇秋水巵言息何必紛綸辨

九家

滁州山行用舊韻

歲稔風醕此地偏峯迴水複好周旋山人自煮巖

邊石過客還分澗底泉春雨優霑誇樂土農夫歌  
舞誦前賢醉翁草木眞堪敬空谷琅然若遇仙

甯國滯雨用謝元暉之宣城郡韻

轎車日載馳訟事紛若驚雲沈江上山烟鎖村前  
樹此邦民吏媿懲戒亦已屢卽目多鬱伊游涉鮮  
成趣山水有清耀佳人難一遇不見浮邱翁但迷  
三里霧

水車行

水龍潑潑溼鼓鳴木龍格格庚泥驚鯨咷虹吸互  
飲欲斗柄之揭天瓢傾負缶抱甕兩老更用力少

而功難成不如手搊搊兮足踏踏三百六十骨節  
皆通靈吳牛曳尾低頭行麥芒翻浪秧鍼生妻擎  
狎洽眾齊力橫縱々春波盈老農頰背日當午  
炙轔連雁還結股吁嗟乎雨工騎蚪速行雨飛龍  
骨出只爲汝

旌德山行卽事

征塵勃勃愧烟霞蠻語侏儒雀鼠譁樹杪飛泉流  
不盡滿山開徧鬧羊花

荆榛蕨莽石斑爛瓜跡躡蹤不可芟好爲青山除  
墨吏山靈相對一開顏

大雨度績溪新嶺小憩岫雲庵

鳥道入烟際低頭失翠微馬驚雷火疾人挾嶺雲  
飛雨勢羣峯急濤聲萬壑圍天關接呼吸我欲喚  
元暉

雨後度箬嶺

蓬蓬雲海遙相招三十六峯齊建標霞裾颺頗近  
尺咫羣山拱立如兒曹維時天都雨新足翠凝箬  
葉肥如蕉怒濤百轉激雷電翩翩龍氣飛旆旛黃  
鵠高哉一千仞盤盤直上離山椒蒼巖對面攬人  
走千年古綠生眉梢嵐光愔愔碧瑩骨石氣慄慄

寒侵袍嶺嵒崩勞兀崎嶇與我心魄相撐交懸泉  
亂沸不知處滿頭飛瀑如花澆蝎皇臙塊塞窮谷  
巨靈縮手夸娥逃何年雷公鑿山腹青珠曲曲穿  
烟霄紛紛蛾子善緣附連尻卬首聲警警我僕如  
猱馬如虎窮幽絕險奔夔魈便尋日馭上巔頂更  
乘風翼梯飛颺相逢汗漫似相識拍肩若士攜盧  
敖輿人丁甯石路滑失足墮落如鴻毛豈惟履險  
恃忠信久矣舉趾防心高岫雲英英作時雨青鬃  
誰與傾天瓢此邦阨塞自懷葛懸車束馬安耕樵  
稽首仙靈祝山鬼好除民害驅虎蛟

過黃山口號用秦少游惜竹軒韻

石頭路滑雲生岫箬葉烟深雨滿軒三日錦囊收  
不盡黃山別去可無言

三折嶺

十圍松櫪萬竿竹疊嶂層巒削瓊玉奇情乞我飛  
霞裾澗碧山紅詩在目盤行仄磴阻且長溪流宛  
曲如迴腸張衡賦愁太側側王尊叱駁何堂堂人  
生所履非一致高者摩天下落地此經折坂卽安  
平行路皆歌行路易太平縣在嶺之麓山僧手捧新茶香  
一甌花乳生清涼安得清高隔風雨好乘風雨巡

耕桑

較閱池州營渡江旋省

千里雲山護錦峩萬人馬上仰旌旄  
握奇氣挾風霆速擔鼓光分雪浪高  
紅杏花深宜細柳

教場即杏花村

碧湖水暖似春醪同心將士能齊力  
十七營如臂

指操

江南北十七  
營巡閱竣事

宿八景閣望九華山贈寺僧法輪

偶來桑下說因緣九子詩魔盡得仙  
膽大於身笑無本終朝父手對青蓮

飛雲日日雨如絲牕外懸泉百道垂  
一朶蓮花一

杯酒雛僧擊節我敲詩

渡江勘各郡水

一月江星動江神無好顏雨聲渾撼地水勢欲懷山亟與澄飢溺于茲數往還墉禦已頻醉捍患莫辭艱

眾綠生毛髮高情上碧空白翻千澗青入萬山中  
霽日收流潦嘉禾待晚豐停車相慰問紀歲有

山翁

詢之農人云自丁未江水漲漫今十七年矣

過運漕鎮

汝璧甫晦而孤王戌冬依先太夫人僑居

此鎮今逾六十年來撫新疆以查勘江水過  
此追維先澤哀感不勝

呱呱羈角此藏鳩泡影年華甲子周文葆當年纔  
劍抱使星今日又槎浮傷心慈調三遷舊仰誦先  
芬一綫留猶有鄰翁稱古蹟高樓壁立是前修

無爲州江上眺望

沃野濤須舊巖疆楚尾分雄才無好手古塢有荒  
雲蠟雨江濤涌人烟壩柳薰哀鴻滿中澤爾牧竟

無聞

過廬江口號

磐石依然綠葦齊五更松柏曉淒淒江城月上雨  
初過一對鴛鴦下碧溪

新河口阻風

柳暗雲荒水沒洲居人號泣路人愁西風白浪兼  
天湧我與飢鴻聚一舟

枯桑繫繩水痕新作陣陣啼烏近向人恰好扁舟停  
斷岸數錢來往送飢民

九日書樓小集索同人和

秋風蠟浪勢滔滔孤鶠盤空氣倍高此日江樓堪  
望遠去年綸閣快揮毫嘉賓載酒聊乘暇短鬢簪

花致足豪茲會年年知健勝茱萸辟惡笑兒曹  
奉

命還朝補授兵部侍郎兼吏部侍郎留別皖省  
又別青山上輶紅前旌遙指岱雲東拜

恩早授文兼武宣力甯分外與中舊日甘棠勞父  
老新年竹馬愛兒童清風豈畏人知否一笑何慚  
對腕公

盆梅盛開索同人和

千堆火齊萬明珠聚入貧家碧玉壺不用遠移勞  
驛騎正須小住對仙姝尊前白石留香影雲外孤

山入畫圖錦幔殷勤深護惜春燈喜色滿華跗

乙丑人日

楓陸初傳

詔韶車早發春王程依日近天意與人新釀雪雲  
光麗吹幽土俗淳七日立春皖人眞愛我我亦愛斯

人

過舒公墩口占卽用介甫謝公墩韻

名家堅白豈能同謝姓王名偶爾中當日桐鄉眞  
愛否而今墩字尙舒公

合肥途次寄孫湘雲陳遠香

孫善詞陳工篆籀

金華山人詩  
一  
耆閣峯外有停雲草色波光合又分寄語詞仙期  
後約好將彩筆寫羊裙

金石心腸斗巒文高情磊磊薄青雲雪天饒有王  
猷興一日何當少此君

宿夾溝駢用前出安徽境韻

繡壤春融麥氣清年時風雪此經行荒雞野店續  
前夢舊雨茆檐多古情汴泗波流纔順軌雲龍山  
色好相迎道逢父老聞佳語免使桃花濁浪生

過趙北口用過鄭州舊韻

行雲往復此遨遊久已忘機似海鷗廟市冷烟牽

昔夢淀河新水好通流過橋暫可停征騎貰酒猶堪解敝裘柳眼青青邀客住依稀風景似南州

奉

命赴陝州鞫獄途中作

五雜組田中鼠往復還久不雨不得已槌社鼓  
五雜組印花馬往復還空在野不得已差票下  
五雜組官亭柳往復還旗亭酒不得已掉頭走  
五雜組澗邊石往復還任拋擲不得已煮芋喫

中秋小酌

次日寒露

此夜足可惜此杯良足歡宵分秋正好露淨月初

寒慙息塵勞  
眼都無色相觀時偶患目疾  
雜聲方起舞  
海日湧金盤

十六日夜懷孫湘雲陳遠香

昨夜屋梁月今宵見倍歎故人千里外飛夢大江  
寒何日重攜手相從得壯觀好憑秋雁去先寄水  
晶盤

九日園亭小集用漁洋重陽登高韻因首

不踏翠微路園亭聊幾重浮杯初過鴈拈韻好談  
龍趙秋谷論漁洋詩有談龍錄香土羣賢屐斜陽古寺鐘去天  
真尺五何必最高峯

一夜甜霜早征鴻趁曉陽伊人隔雲水遠思在江

湘曾把山翁酒猶留魏國香移居秋正暖慨慷引

歌長

時移居胡莊  
敏公舊宅

皖公山色好此日有誰登黃菊懷彭澤茱萸笑杜  
陵故人應仰首秋思正飛騰拄笏遙看處予獲百  
感增

地僻心長遠官閒興倍高雨餘聽石瀨風定息松  
濤池有遊儻樂林無眾鳥囂飛觴爲佳節同氣若  
投醪

立冬第一雪

霜風玉霰正交加飛舞寒雲噪喜鵠最是惄心滋  
宿麥好將淨眼看天花高懷遠寄情殊邈冷句孤吟興自賒從此維摩方丈室料量剪彩到春霞以時

目疾乞假

再雪用前韻

不覺深杯酒力加寒林點點盡藏鴉無言兀坐相忘冷有象觀空又作花雨粟滿車祥屢兆祠田三  
鮒願甯賒遙思千樹梅花發飛夢江皋擁素霞

覆雪疊前韻

等伴庭陰冷色加冰魄自曉悞驚鴉恆河沙界渾

堆玉簷  
葡萄林  
又放花竹屋  
風清門卻掃  
銅街人  
靜酒堪  
賒夜闌燒芋園  
爐話石鼎松明散彩霞

陳遠香寄黃山雲霧草口占賦謝

草治目  
疾有效

尺書纏  
繩氣氛氳  
瑤草何年古洞分  
藥下天都誰  
撥霧光生銀海竟  
開雲紅塵結習難  
言病青眼高  
歌正憶君他日看  
山重握手更攀霞  
佩採仙芬

又雪再疊前韻

又見同雲漫  
韙加閒庭悼  
雪集寒鴉故人誰放山  
陰棹驛使馳傳  
嶺上花氣隘  
茄灰春欲動  
陽回黍  
谷望非賒玉壺瑩  
徹銀缸曉已有光風  
上面霞

第五雪四疊前韻

筆栗聲中雪片加沉沉臘鼓不驚鴉東風尙隔三  
微候玉女先裁五出花茅屋多情春可賣梅花有  
約路非賒來朝臘屐看山去好向仙人乞佩霞